

PM ajak rakyat fahami seruan, gesaan al-Quran

Oleh **ARIF AIMAN ASROL**
aiman.asrol@mediamulia.com.my

PETALING JAYA: Perdana Menteri mengajak umat Islam di negara ini bersama-sama bertadabbur memahami seruan dan gesaan al-Quran yang sarat dengan mesej akhlak serta kemanusiaan sejagat.

Datuk Seri Anwar Ibrahim berkata, memahami mesej di dalam al-Quran seharusnya lebih ditekankan seperti mana memperbanyakkan tilawah kerana kitab suci tersebut hidup, berbicara dan menjadi suluhan dalam tiap kurun sejarah.

Menurut beliau, pengajaran yang boleh diambil daripada tadabbur surah-surah yang ada tidak dilorongkan khusus buat orang beriman selain turut menjadi petunjuk buat seluruh umat manusia.

“Tiap mauduk perbahasan, tiap kisah dan riwayat, baik kisah pemuda al-Kahfi atau kisah Nabi Allah Yusuf a.s., semuanya sarat dengan roh perjuangan dan iktibar yang mendalam.

“Menekuni tiap ayat bagi menggenggam cahaya obor yang menyoroti kejadian dan menerangi jalan ke hadapan,” katanya, semalam.

Justeru, Anwar mengajak semua umat Islam memanfaatkan ruang yang ada dengan berusaha bersungguh-sungguh bagi men-



SEKUMPULAN pelatih Rumah Perlindungan dan Pemulihan Wanita Darul Wardah (DARWA) Selangor bertadurus sempena sambutan Nuzul Quran di Kampung Jalan Kebun, Seksyen 30, Shah Alam, Selangor, semalam. - **UTUSAN/ SADDAM YUSOFF**

gupas dan mentafsir al-Quran.

“Tafsir al-Azhar misalnya, yang dikarang Buya Hamka nyata terulung lantaran kefahaman pengarang akan sosiobudaya masyarakat serantau, kekuatan dan lengkok bahasa yang mantap serta bersandarkan ilmu tradisional yang diolah dengan

pengetahuan falsafah dan ilmu moden semasa.

“Penghayatan mesej hikmah al-Quran akan mendidik kita menjadi insan yang bertakwa, berakhlak mulia, adil dan sederhana dalam segenap perkara.

“Meski di akhirnya kita hanya berhasil meneguk seti-

tis air dari lautan luas hikmah kebijaksanaan al-Quran, namun Allah SWT tidak pernah memberati hamba-Nya, dan yang demikian itu cukup buat melunasi bahagian penting daripada kehidupan kita sebagai manusia dalam bahtera kehidupan ini,” katanya.